

Kōttōpar ko an katak in:

- Kwaʎok bwe wāween an Jon ri peptaj im Jisōs ʎotak.
- Kwaʎok bwe Jisōs e ʎotak jān juon virgin.
- Kwaʎok bwe Jisōs ej Nejin Anij.
- Kwaʎok ʎomŌŌr ej ilo Jisōs Kraist wōt.

Meʎeʎe ko reʎap ilo katak in:

- Jen lo bwe Anij ej kōjparok kallimur ko An.
- Jen lo bwe Anij e maroñ kōmman men otemjej.
- Jen lo bwe Jisōs e ʎotak jān juon virgin, im e aorōk bwe jen meʎeʎe men in.
- Jen lo bwe ʎomŌŌr ej jermal an Anij wōt.

Kallimur Mokta ej juon foundation e aorōk ñan ad meʎeʎe kōn karōk eo an Anij ñan ʎomŌŌren armej. Ilo jinoin book in Jenesis juon jorrāan eʎap ear waʎok. Armej raar kāālōt jerōwiwi jān pokake Anij. Āinwōt ad jeʎā oñean jerōwiwi mej. Ke Adam im Iv raar jerōwiwi raar jepel jān Anij. Anij ear kadiwōjʎok er jān jikin kallib in Iden. Raar jepel jān mour, im ke raar mej renaaj kar mej indeeo.

Bōtab Anij, ilo An jouj eʎap, Ear kōmman juon iaʎ ñan erre. Ewi iaʎ eo? Ineen kōrā.



Jenesis 3:15 Im Inaaj likūt kōjdat ikōtaam im kōrā eo, im ikōtaan ineōm im ineen; enaaj kōkkure bōram, a kwōnaaj kōkkure jimwin neen.

Iumwin tōujin tōujin year ko jān jinoin laʎ in liktak, Anij ear kajeʎaik im kapojak armej ro ñan aer bōk kallimur in. Kallimur Mokta ear kapojak armej ñan itok eo an Ineen Kōrā eo. Kallimur Ekāal ej kōmmeʎeʎeik kōj kōn itok eo an Ineen Kōrā eo. Ej kōmmeʎeʎeik kōj kōn Jisōs Kraist, eo me Ear juur bōrān Jetan kōn An mej ioon debwāal.

1. Jon ri peptaj


Ri kanaan eo āliktata ilo Kallimur Mokta ear Malakai. Malakai ear kakememej ro ri Israel bwe Anij enaaj jilkintok Ri ʎomŌŌr eo. Kab, ear ba bwe bar juon ri kanaan enaaj itok mokta ñan kapoji iaʎ eo an Ri ʎomŌŌr eo.



Malakai 4:4-6 Komwin keememej kien eo an Moses, ri karijera, im naan in jiroñ im eka-jet ko Iar jiroñ e kaki i Horeb kōn aolepen Israel. [5] Lo, Inaaj jilkinwōj Ilaija, ri kanaan eo, mokta jān an itok raan eo eʎap im kaamijak an Jeova. [6] Innām enaaj ukōt būruon jemaer ñan ro nejier, im būruon nejier ñan ro jemaer, ñe ab Ij itok im kaliaik āneo.

Ekkar ñan Matu 17:11-13, armej in, Ilaija, e jab mool in Ilaija jān Kallimur Mokta. Ear jutak kōn Jon ri peptaj.


Jemān Jon ear Zakeraias, im ear juon pris e rūtto. Etan lio pāleen, Elisabet. E kar ejjelok nejeir, ak juon iien ke Zakeraias ear jerbāl ilo tempel eo, juon enjel ear walok ñan e im ba bwe enaaj wor juon nejin emmaan, im leo enaaj kapoji ia! eo an Ri Lomoor eo.



Anij ear jelā kōn Jon mokta jān an Zakeraias im Elisabet jelā kake. Anij e jelā men otemjej, im Ej peke men otemjej.



Matu 3:1-3 Ilo raan ko Jon, ri peptaij, ear itok im kwalok ilo āne jemaden in Judia, [2] Im ba, “Komwin ukelok ippemi, bwe aelōñ in lañ epaak.” [3] Bwe e in eo ri kanaan Aiseia ear kōnono kake, im ba, “Ainikien juon ej lamōj i āne jemaden, komwin kōpooj ia! an Irooj, im kajimwe ia! ko an.”



E lotak Jon ri peptaij

Aiseia ear barāinwōt kōnono kōn Jon (Aiseia 40:3). Aiseia ear ba bwe juon enaaj itok im kapoje ia! eo an Jeova - eñin Jisōs Kraist, im Jon ear armej eo me ear kapoje ia! eo An!

Anij e jab meloklok kallimur ko An. Meñe e mootlok elōñ toujin year jān jinoin Bible im jerowiwi eo an Adam im Iv, Anij ear jilkintok Ri Lomoor eo. Meñe etto an armej kōmman nana, Anij ear jilkintok Ri Lomoor eo.

* **Anij e kajoor jān aolep.**

2. Anij ear kallimur ñan Meri bwe enaaj wor nejin.

Kiiō, e jejjet iien bwe Anij en kajejjet kallimur ko An kōn juon Ri Lomoor. Anij ear jilkintok juon enjel, etan in Gabriel, ñan Meri, juon jiroñ eo e virgin ilo Israel. Ke Meri ear lo enjel eo, ear mijak.



Lk 1:30-33 Im enjel ej ba ñan e, “Meri, kwōn jab mijak, bwe kwaar lo jouj jān Anij. [31] Im lo, kwō naaj bōrōro im kōmmour nejim maan, im kwō naaj likūt etan Jisōs. [32] Enaaj laplap, im naaj na etan Nejin Eo E utiejtata; im Irooj Anij enaaj lelōk ñan E tūroon eo an Devid jemān; [33] Im Enaaj Irooj ioon imōn Jakob indeeo, im aelōñ eo An e jāmin jemlōk indeeo.”



Meri ear juon kōrā me ear juon ri jerowiwi āinwōt aolep. Bōtab ear tōmak ilo kallimur ko an Anij, im ear kijejer ñan an itok Ri Lomoor eo. Anij ear kālōt e bwe en jinen Ri Lomoor eo.

Etan Ri Lomoor eo ej Jisōs. Jisōs meļeļein Jeova ej lomoor. Anij ear yokwe la! in, im Ear kōnaan bwe en wor lomoor jān jerowiwi.

Meri ear bwilōñ ke ej roñ bwe enaaj keotak nejin, bwe e jañin pād ippān juon emḡaan. Enjeļ eo ear kōmmeļeļeiki bwe Jisōs, enaaj ejjeļok jemān ilo laļ in.



Lk 1:35 Im enjeļ ej uwaak im ba ñan e, “Jetōb Kwōjarjar enaaj itok iom, im kajoor an Eo E utiejtata enaaj kallor eok, im kōn men in Eo Kwōjarjar enaaj ļotak naaj likūt etan Nejin Anij.”

3. Jisōs, Ri Lomōor eo, ejjeļok armej jemān; Ear ļotak jān juon virjin.

Jisōs enaaj nejin Meri, ak jab nejin jabdewōt emḡaan. Jemān Jisōs ej Anij. Kōn men in, Jisōs ej armej, im Jisōs ej Anij. Kōn an ejjeļok jemān emḡaan, ear jab jolōt jerowiwī āinwōt armej ro jet me re ļotak ilo laļ in. Jisōs ear weepān ke Ear ļotak.



Matu 1:18 Im wāween Jisōs Kraist ļotak āinwōt in: Ke Meri jinen im Josep rejro karōk doon, mōkta jān airro pālele, ar lo an bōroo kōn Jetōb Kwōjarjar.



Lk 1:32 Enaaj ļapļap, im naaj ña etan Nejin Eo E utiejtata; im Irooj Anij enaaj leļok ñan E tūroon eo an Devid jemān.

Naan kein raar kaḡool naan ko me Anij ear ba ilo Aiseia elōñ 600 year mōkta ļok.



Aiseia 7:14 Kōn men in Irooj eo make Enaaj lewōj juon kakōļle: lale mōk, juon virjin enaaj etta, im enaaj keotak juon ļaddik, im naaj ña etan Immanuel.



Aiseia 9:6 Bwe ñan kōj e ļotak juon Ļaddik, ñan kōj emōj letok juon Nejad emḡaan; im kien enaaj pād ioon Aeran, im naaj ña etan Ri Pepe e Kabwilōñlōñ, Anij e Kajoor Bōtata, Jemān Iien Indeeo, Irooj in Aenōmman.

Ineen Kōrā eo, Jisōs, ear ļotak jān virjin. Ilo bar juon wāween ba, ejjeļok emḡaan ear pād ippān kōrā eo bwe en ļotak ļaddik eo. An ļotak ear juon men in kabwilōñlōñ.

Ilo jinoin katak kein, jaar ba bwe ewor juon wōt Anij, ak Ej Jilu ilo Juon: Anij Jemād, Anij Nejin, im Anij Jetōb Kwōjarjar. Raar jān indeeo, ak ke Jisōs ear ļotak, ear erom armej. Etkē men in e aorōk? Kōnke Ear aikuj in armej bwe En maroñ in mej kōn kōj.



4. Ewi tokjān an Jisōs ļotak jān virjin?

1) E aorōk kōnke Baibōļ ej ba.

Baibōļ ej Naan in Anij, im ej ba bwe Jisōs ear ļotak jān virjin. Kōn an elōñ armej jab meļeļe kōn tōmak rot in, re kōḡaan joļok e. Elōñ re jab meļeļe kōn jilu ilo juon, kōn men in re kōḡaan joļok e. Elōñ re jab meļeļe kōn an Jisōs ba bwe erro Jemān rej juon wōt Anij, kōn men in re joļok e. Ta, jen joļok aolep men ko ilo Baibōļ im je jab meļeļe kaki ke? Ta, jen joļok aolep kabwilōñlōñ ko ilo Baibōļ ke? Wōn e maroñ kōmmeļeļeik kōn wāween an Jisōs ukot dān ñan wain, ak kōn An kōnono wōt im juon eo me ear to an

nañinmej ear jutak im mour ilo juon wõt second? Meñe je jab mejele kōn men kein aolep, e jab mejele bwe ewor mālim ad jab tōmak. Baibōl ej ba bwe Jisōs Kraist ear lotak kōn juon virjin. Kōn men in jen tōmak.

2) E aorōk kōnke jej aikuj juon ri pinej jenkwaad.



Galetia 4:4,5 A ke iien eo e jejjjet, Anij ear jilkintok Nejin, lotak jān kōrā, lotak iumwin kien, bwe En pinmuur ñan ro raar pād iumwin kien, bwe jen erom nejin kōn kōkaajjiriri.

Ejjeļok tokjān juon bridge ñe ejab connect ippān side ko (rājet ko) ruo. Jisōs ej Anij bwe Jeova Anij wõt ej maroñ lomooren kōj.



Aiseia 45:21 ..E jab Ña, Jeova ke? Im ejjeļok Anij ewor jān Ña, juon Anij e wānōk, im juon Ri Lomoor; e bar ejjeļok jān Ña.



Hosea 13:4 Ak Ña Jeova am Anij jān āne in Ijpt. Im komij jab jelā jabdewōt anij ijellokō, bwe ejjeļok Ri Lomoor ijellokō.

Wōn e maroñ lomooren kōj jān jerōwiwi ñe e jab Anij? Bōtab, naaj ewi wāween an Anij mej kōn kōj kōnke E bane mej. Barāinwōt Anij ej jān indeeo ñan indeeo. Eban mej. Ekwe, uwaak eo ej pād ilo āt in Immanuel - Anij ippād wōj!

Jisōs ej juon armej. Kanniōk wōt e maroñ eñtaan im mej. Armej wōt e maroñ pinej jenkwad. Ilo waan joñak, elañne iar kōkkure watch eo nejōm, ta eo in lewōj ñan pinej jenkwān? Ilo mool, ekkar bwe in lewōj juon bar watch. Im waaj eo en ejja jekjekin wōt, im ejja oñean wōt, waaj eo me iar kōkkure.

Eoon kein rej ba bwe Jisōs ear deļoñ iumwin kien bwe En lomooren kōj jān iumwin kien. Eļañne ad kōjparok kien ej kowānōk kōj, innām etke Jisōs ear aikuj lomooren kōj jān iumwin kien? Kōnke kien ej liaakļok kōj aolep.



Galetia 3:10 Bwe ro otemjej re jān jermal in kien rej pād iumwin juon lia; bwe emōj je, “Naaj kōle jabdewōt eo e jab pād wōt ilo men ko otemjej jeje ilo bok in kien bwe en kōmanmani.”

Kwō lo ke? Toun wōt ad kate kōj kōjparok kien ko joñoul bwe jen wānōk, ej toun wōt ad liaakļok. Bwe? Kōnke eo e kōñaan bwe en wānōk kōn kien, ej aikuj kōjparoki aolep kien ko an Anij aolep iien toun wōt an mour. Juon wōt likjab innām e lia. Jisōs wōt e maroñ lomooren kōj bwe Jisōs wōt e wānōk joñan wōt Anij. Jisōs ej Anij.



2 Korint 5:21 ...ear kōmman E jerōwiwi kōn kōj bwe jen erom wānōk an Anij ilo E.

3) Ej kwaļok bwe jej aolep ri jerōwiwi.

Jej aolep lotak ilo jerōwiwi. Ejjeļok juon niñniñ ej aikuj katak bōt. Ej make jelā jerōwiwi. Bwe? Kōnke ineen jerōwiwi ej pād ippān. Bwe ineen jerōwiwi en jab pād ilo Jisōs, Ear aikuj lotak kōn virjin. Eļañne ear elōñ jemān Jisōs ekkar ñan kanniōk, innām Enaaj kar bōdañ jeman ilo jerōwiwi.



Rom 5:12 Kōn men in, āinwōt kōn juon armej, jerōwiwi ear deļoņ ilo laļ, im mej kōn jerōwiwi; im āindein mej ear itok ioon armej otemjej, bwe er otemjej raar jerōwiwi.

Jisōs ear ļotak kōn virjin. Unin bwe Ear ļotak jān virjin ej kōnke aolep armej me elōņ jemaer im jineir ekkar ñan kanniōk rej ļotak ilo jerōwiwi. Ear aikuj oktak wāween ļotak an Jisōs jān jabdewōt bar juon armej. Bwe? Kōnke kōj aolep ri jerōwiwi.

*** Armej rej ri jerōwiwi. Ej aikuj Anij bwe e jab maroņ make ļomōoren e.**

4) Ej kwaļok bwe ejjeļok ad maroņ in make kōllaajrak kōj ippān Anij.

An Jisōs ļotak jān juon virjin ej juon men in kabwilōņlōņ. Eļāņņe juon kōrā ejab bōk ineen juon eņņaan, innām eban wor nejin. Armej re ñak keotok niņniņ kōn virjin. Men in ej jermal eo an Anij. Anij wōt e maroņ kōmņan men in.

Im etke Anij ear kōmņane men in kabwilōņlōņ in? Bwe En ļomōoren kōj jān jerōwiwi. An Jisōs ļotak kōn virjin ej kaņool ñan kōj bwe ļomōor ej jermal an Anij wōt. Ejjeļok juon men je maroņ kōmņane ñan karreoiķ kōj make jān jerōwiwi ko ad. Ejjeļok juon men je maroņ kōmņane ñan kawānōķ kōj make im bōk mour indeeo. Ļomōor, jān jinoin ñan jemļoken ej jermal an Anij.



Matu 1:21 Im enaaj keotak nejin eņņaan, im kwō naaj likūt etan Jisōs; bwe Enaaj ļomōoren ro doon jān jerōwiwi ko aer.

Kajjitōķ ko:

1. Ewi jorrāān eo eļap me ear waļok ilo Kallimur Mōķta?
2. Ewi ļomōor eo im Anij e kallimur kake ilo Kallimur Mōķta?
3. Ri Kanaan Aiseia ear ba ta kōn wāween ļotak an ri Ļomōor eo?
4. Etke e aorōķ bwe jen tōmak bwe Jisōs ear ļotak jān virjin?
5. Ta unin an Jisōs ļotak jān virjin?
6. Ta meļeļe in āt in Immanuel?
7. Jisōs ear erom ta kōn kōj?
8. An Jisōs ļotak kōn virjin ej kwaļok ta kōn kōj?
9. Elōņ ke jemān Jisōs ekkar ñan kanniōķ?
10. An Jisōs ļotak kōn virjin ear juon ta?
11. Ear waļok kōn kajoor an wōn?
12. Men in ej katakin kōj ta kōn ļomōor?